

Kondoo Aliyepotea

Furahini pamoja nami, kwa kuwa nimekwisha kumpata kondoo wangu aliyepotea—
Luka 15:6.

Nilielekezwa kwenye mfano wa kondoo aliyepotea. Wale tisini na kenda wameachwa mwituni, na utafutaji umerasimishwa kwa ajili ya mmoja aliyepotea. Kondoo aliyepotea anapokatikana, mchungaji anamchukua mabegani mwake na kurudi akiwa na furaha. Harudi huku akinung'unika na kumlaumu kondoo aliyepotea kwa kumletea usumbufu mkubwa, lakini kurudi kwake akiwa na mzigo wa kondoo ni kwa furaha.

Na bado onesho la furaha kuu linahitajika. Rafiki na jirani wanaitwa kufurahi pamoja na mchungaji, “kwa kuwa nimekwisha kumpata kondoo wangu aliyepotea.” Upatikanaji huo ulikuwa ndiyo dhamira ya furaha; upotevu haukukuzingatiwa; kwa maana furaha ya kupatikana ilizidi huzuni ya upotevu na usumbufu, fadhaa na hatari, vilivyotokea katika kumtafuta kondoo aliyepotea na kumrejesha katika usalama. “Nawaambia, Vivyo hivyo kutakuwa na furaha mbinguni kwa ajili ya mwenye dhambi mmoja atubuye, kuliko kwa ajili ya wenye haki tisini na kenda ambao hawana haja ya kutubu” (Luka 15:7) (Testimonies for the Church 3:99).

Yesu alitoa mfano wa kondoo aliyepotea kwa ajili yetu kujifunza. Mchungaji wa kweli anawaacha wale tisini na kenda, na kwenda msituni kwa gharama yoyote na mateso kwake Mwenyewe.... Ni kondoo wangapi wanaotangatanga na waliopotea umewatafuta, na kuwarudisha zizini kwa moyo uliojaa huruma, msamaha na upendo? Ni maneno mangapi ya kutia moyo umeyasema kwa kondoo wanaotangatanga, ambaye yamekugharimu maumivu, wasiwasi na usumbufu mwingi? ... Je, umezungumza maneno ya kufaraji ya matumaini, ya kutia moyo na msamaha, ukimrejesha aliyepotea nyumbani mabegani mwako, ukifurahia kila hatua, na kusema, “Furahini pamoja nami; kwa kuwa nimekwisha kumpata kondoo wangu aliyepotea”? ...

Jifunze maisha na tabia ya Yesu, na utafute kufuatisha mfano Wake. Mwenendo usiotakaswa wa baadhi ya wale wanaodai kuwa waumini wa ujumbe wa malaika wa tatu umeishia kuwafukuza baadhi ya kondoo wasiojiweza jangwani; na je, ni nani ambaye amedhihirisha kujali kwa mchungaji kwa waliopotea na wanaotangatanga? Je, huu si wakati wa kuwa Wakristo katika utendaji sawa na madai yetu? Ni ukarimu ulioje, huruma iliyoje, utu wema ulioje, ambao Yesu amcudhihirisha kwa wanadamu wanaoteseka! Moyo unaodunda kwa kupatana na moyo Wake mkuu wa upendo wa milele utaonesha huruma kwa kila nafsi yenye uhitaji, na utadhihirisha kwamba anayo nia ya Kristo.... Kila nafsi inayoteseka ina haki ya kuhurumiwa na wengine, na wale ambao wamejazwa na upendo wa Yesu, waliojawa na huruma, utu wema na upole Wake, wataitikia kila wito wa kuonesha huruma yao.... kila nafsi inayotaribu kufuatilia upotevu wake na kumrudia Mungu inahitaji msaada wa wale ambao wana moyo mwema na wenye huruma na upendo kama wa Kristo

(The Review and Herald, Oktoba 16, 1894).